

妙法蓮華經玄義卷第四上

密七

清天台智者大師說
門人灌頂記

定聖行者略爲三一世間禪二出世禪三上
上禪世禪復二一根本味禪隱沒無記第七
二根本淨禪不隱沒無記根本者世出
世法之根本也大品云諸佛成道轉法輪入
涅槃悉在禪中若能深觀根本出生勝妙上
定故稱根本也隱沒者闇證無觀慧也有垢
者地地生愛味也無記者境界不分明也此

有三品謂禪也等也空也即十二門禪也初
修方便當善簡風湍明識正息安徐記數莫
令增減若數微細善解轉緣調停得所當證
前方便法或麤細住皆有持身法起進得欲
界定或未到定八觸發動五支成就是發初
禪大論云已得離婬火則獲清涼定如人大
熱悶入冷池則樂云若欲進上離下者凡夫
依六行觀佛弟子多修八聖種行者於初禪
覺觀文中狀離覺觀以初禪爲苦麤障二法
動亂定心故苦從二法生喜樂故麤二法翳

上定故障二禪異此名勝妙出總而言之一
知過不受著二訶責二折破得離初禪是修
二禪相善巧攀狀則內外皎然與喜俱發四
支成就故論云是故除覺觀得入一識處內
心清淨故定生得喜樂云二禪中既離覺觀
不得作方便出定時修習狀下進上亦有六
行如棄初禪方法云爾時泯然不依內外與
樂俱發五支成就故論云由愛故有苦失喜
則生憂離苦樂身安捨念及方便云欲狀下
進上亦有六行如前云善修故心豁開明出

入息斷與捨俱發空明寂靜四支成就若能
知樂患見不動大安憂喜先已除苦樂今亦
斷云行人既內證四禪欲外修福德應學四
等此有通修別修通修者大論云是慈在色
界四禪中間得修此語則通別修者初禪有
覺觀分別修悲則易喜支修喜易樂支修慈
易一心支修捨易復次初禪修悲易二禪修
喜易三禪修慈易四禪修捨易此則修四無
量定之處所也復次修時緣前人離苦得樂
歡喜平等之相而入定發時內得喜樂平等

之法外見前人離苦得樂或內得外不見或
外見內不得分別邪正云行人欲出色籠修
四空定滅色存心心相依故名四空方便
者須訶色是苦本飢渴寒熱色爲苦聚讚空
爲淨妙離諸逼迫過一切色與空定相應不
苦不樂倍更增長於深定中唯見虛空無諸
色相心無分散復次得空定故出過色界故
名過一切色相空法持心種種諸色不得起
故名滅有對相已得空定決定能捨色法不
憶戀故名不念種種色相云訶下攀上皆有

方便委在禪門云根本味禪竟根本淨禪不
隱沒無垢有記與上相違此又三品謂六妙
門十六特勝通明等也涅槃是妙此六能通
故言六妙門此三法爲三根性慧性多爲說
六妙門此一門於欲界中即能發無漏若
定性多爲說十六特勝故下地不發無漏上
卷七地禪滿乃能得悟定慧性等爲說通明通明
觀慧深細從下至上皆能發無漏此是隨機
之說若作對治則復別途云若廣明修習則
攝一切諸禪今但次第相生一轍豎意修此

六門修證合論則有十二法佛言遊止三四出生十二即此修數證數乃至修淨證淨修數者行人初調和氣息不澀不滑安詳徐數從一至十攝心在數不令馳散是名修數與數相應者覺心任運從一至十不加功力心自住數息微心細是名證數若患數麤當放數修隨乃至淨亦各如是然觀有三義一慧觀觀真二得解觀即假想觀三實觀此中初用實觀後用慧觀修實觀者於定心中以心眼諦觀此身細微出入息相如空中風皮肉

筋骨三十六物如芭蕉不實內外不淨甚可厭惡復觀定中喜樂等受悉有破壞之相是苦非樂又觀定中心識無常刹那不住無可著處復觀定中善惡等法悉屬因緣皆無自性如是觀時能破四倒不得人我定何所依是名修觀如是修時覺息出入徧諸毛孔心眼開明徹見身內三十六物及諸蟲戶內外不淨衆苦逼迫剎那變易一切諸法悉見無自性心生悲喜無所依倚得四念處破四顛倒是名與觀相應不能具記云佛坐樹下內

思安般一數二隨等正是此禪十六特勝者
釋名云此從因緣得名修相者知息入知息
出者此代數息調息綿細一心隨息入時知
從鼻至脣出時知從脣至鼻隨照不亂知風
喘氣爲麤知息爲細入麤即調令細如守門
第七

人知入知出惡遮好進澀滑輕重冷燠久近
難易皆知知息爲命所依一息不還即便命
盡覺息與命危脆無常不生愛慢知息非我
即不生見若知息長短對欲界定知息徧身
對未到地除諸身行對初禪覺觀支受喜對

喜支受樂對樂支受諸心行對一心支心作
喜即喜俱禪心作攝即二禪一心支心作解
脫即三禪樂觀無常即四禪不動觀出散即
空處觀離欲即識處觀滅即對無所有處觀
棄捨對非想非非想處觀棄捨時即便獲得
三乘涅槃若橫論觀慧即對四念處云通明

禪者行者觀息色心三事無分別諦觀出入
息入無積聚出無分散來無所經去無履涉
如空中風性無所有息本依身身本不有先
世妄想招今四大圍於虛空假名爲身頭等

六分三十六物四微一一非身觀身由心心
由緣起生滅迅速不見住處相貌但有名字
名字亦空如是觀息色心不得三性別異既
不得三事即不得一切法此是修相證者內
審七證真諦空如觀解次第通達此身色息分明

亦知世間天文地理與身相應能具三界禪
定能知非想有細煩惱破惑發真得三乘涅槃
委在禪門世間禪竟二明出世間禪者即
有四種謂觀練熏修觀者謂九想八背捨八
勝處十一一切處通稱觀禪行人爲破姪火必

須增想純熟隨所觀時與定相應想定持心
心無分散能除世間貪愛破六種欲有人著
赤白黃黑等色或著相貌端嚴或著威儀姿
態或著語言嬌媚或著細滑肌體或著可意
之人此六欲淵沉沒行者能修九想除此六
賊死想破威儀言語兩欲脹想壞想散想破
形貌欲血塗想青瘀想膿爛想破色欲骨想
燒想破細滑欲九想通除所著人欲又散想
散想除著意人此九既除於欲亦薄瞋疑九
十八使山動雖是不淨初門能成大事如海

中屍依之得度

云

八背捨名

云

背淨潔五欲

捨離著心故名背捨修者行人持戒清淨發大誓願欲成大事端正心諦觀足大指想如大豆黑脹皺起此想成時更進如狸豆大更如一指大更如雞卵大次二指三四五指次觀趺底踵踝蹲膝脰臍悉見脰脹次觀右腳亦如是復當想大小便道腰脊腹背胷脅悉見脰脹又觀右胛臂肘腕掌五指又頭領等從足至頭從頭至足循身觀察唯見脰脹心生厭惡復當觀壞膿爛大小便道蟲膿流

出臭剝死狗已身既爾觀所愛人亦復如是內破見我外破貪愛次住觀察除世貪愛次除却皮肉諦觀白骨見骨色相異謂青黃白鵠如是骨相亦復無我得此觀時名欲界定次觀骨青時見此大地東西南北悉皆青相

卷七

六

黃白鵠色亦復如是此是未到之相又觀骨人眉間出光光中見佛是初背捨成相如是次第乃至八背捨發相具如禪門云八勝處者初兩勝處位在初禪三四兩勝處位在二禪後四勝處位在四禪三禪樂多心鈍故不

立也前背捨緣中多少不得自在是故勝處更深細觀察少多好醜悉使勝知勝見如快馬能破陣亦能自制其馬云十一切處者以八色兩心更相淡入廣普偏滿轉變無礙具如禪門云練禪者即九次第定也上來雖得八禪入則有間今欲純熟令從初淺極至後深次第而入中間無有垢滓間穢令不次第者次第故名次第亦是無漏練於有漏除諸間穢故名練禪亦是均調諸禪令定慧齊平無間也阿毗曇明熏練但言以無漏熏四禪

今以無漏通練八地即是次第入無間三昧也熏禪者即師子奮迅三昧也前是次第無間入今亦是次第無間入亦能次第無間出除麤間及法愛味塵猶如師子能却能進奮諸塵土行者入出此法能偏熏諸禪悉令通利轉變自在如熏皮熟隨意作物修禪者超越三昧也近遠超入近遠超出近遠超住是禪功德最深故名頂禪於諸法門自在出入云又九次第定善入八背捨奮迅善出入背捨超越善住八背捨善入出住百十三昧即

此意也譬如畫師五彩相淡出無量色如世間果但以四大出一切五陰定法亦爾但以觀練熏修出生一切神通變化無種不備大經云菩薩住禪得堪忍地地能持能生一一禪中皆有慈悲誓願道品六度諸行無不具足何者若於戒定中明觀慧即共念處單論觀是性念處通取戒定等境智文字等是緣念處又不淨觀破淨顛倒是身念處觀諸禪中心受苦樂三世內外受不可得破樂顛倒是受念處觀諸禪心以有心故造作善惡無

心則無作者破我顛倒是法念處觀心生滅前後際斷破常顛倒是心念處復次八背捨觀四念處九次第定練四念處奮迅熏四念處超越修四念處二乘爲自滅度修此五禪成四枯念處不名堪忍地菩薩爲化衆生深觀念處慈悲誓願荷負衆生成四榮念處是摩訶衍名堪忍地也問無色無身云何具四念處答毗曇云無色有道共戒戒是無作色以無漏衆通故此戒色隨無漏至無色也成論人云色是無教法不至無色舍利弗毗曇

云無色有色當知小乘明義即有兩意大經云無色界色非諸聲聞所知若爾四念處通無色亦復何妨問諸禪中但得明念處尚無正勤云何具道品答約位爲言念處無後品修行爲義念處具道品也大論云初修善有漏五陰於有爲法中得正憶念即念處智慧也四種精進即是正勤定心中修名如意足五善根生名爲根根增長名爲力分別道用名爲七覺安穩道中行名八正道初善有漏中已能具此何須見道方有八正若念處既

具三十七品者煙頂等例然觀禪旣爾練熏修等亦然然菩薩於一一禪中隨所入法門慈悲衆生如父母得食不忘其子愍傷癡闇不從內自求樂從他外承耽荒五欲求苦得怖失憂諸欲無樂爲此起悲夫欲患如是何能去之得禪定樂則不爲所歛是故起慈有四弘誓也又諸禪中修六度者衆生縛著世間生活業務不能暫捨菩薩棄之一心入禪是名檀若不持戒禪定不發又入禪時雜念不起任運無惡是尸拘檢身口捍勞忍苦制

外塵不著抑內入不起是爲忍初中後夜繫念相續行住坐臥心常在定間念不生是名精進一心在定不亂不昧名爲定若一心在定能知世間生滅法相深識邪偽名般若一切衆行皆於禪中具足一一禪中能生諸功德慈悲荷負是故得名堪忍之地三出世間德慈悲荷負是故得名堪忍之地三出世間

九禪如熟酥九大禪如醍醐醍醐爲妙也復次根本禪愛味心中修即成乳自度心中修即成酪慈悲心中修即成生酥慈悲次第心中修即成熟酥實相心中修即成醍醐餘四味亦如是若不以實相心修皆名爲麁饅若開麁顯妙者阿那波那即是摩訶衍法界實相攝持諸法離此之外更無別妙故知諸佛成道轉法輪入涅槃皆在四禪四禪中見實相名

一香無非中道二乘尚不知其名況證其定前根本舊禪如乳練禪如酪薰禪如生酥修禪如熟酥九大禪如醍醐醍醐爲妙也復次根本禪愛味心中修即成乳自度心中修即成酪慈悲心中修即成生酥慈悲次第心中修即成熟酥實相心中修即成醍醐餘四味亦如是若不以實相心修皆名爲麁饅若開麁顯妙者阿那波那即是摩訶衍法界實相攝持諸法離此之外更無別妙故知諸佛成道轉法輪入涅槃皆在四禪四禪中見實相名

禪波羅蜜何況餘定耶此即絕待妙義定聖行竟慧聖行者謂四種四諦慧云生滅四諦慧者還觀九想背捨依正兩報脣脹爛壞不淨之色是逼迫相現相三苦相是苦諦慧以不起迷著依正作恩愛奴運動身口起三品十惡業感三途等生長相轉相二十五有相又知世間因果不淨過患深愧厭心終不殺他活已奪彼閻身耽酒不淨隱曲求直離合怨親間構榮辱內諳外佞引納無度縱毒傷道邪僻失真不爲不淨作十惡業慚愧羞

鄙行三品十善感三善道生亦是生長相轉相二十五有相是名集諦慧觀依正不淨破淨顛倒觀諸受即三苦破樂顛倒觀諸行和合破我顛倒觀諸心生滅破常顛倒別相總相善巧正勤如意根力覺道向涅槃門慈悲誓願六度諸行等即大乘相亦是戒定慧相亦是能除相是名道諦慧倒不起則業不起業不起即因不起因不起故果不起是名寂滅相亦二十五有滅相亦名除相是爲生滅四諦慧無生四諦慧者觀不淨色色性自空

非色滅空如鏡中像無有真實洞達五受陰
空無所有解苦無苦而有真諦是苦諦慧知
集由心心如幻化所起之集亦如幻化一切
愛見與虛空等是名集諦慧道本治集所治
既如幻化能治亦如幻化是名道諦慧法若
不說者如十方土攝法不盡應有五諦佛言
四諦攝盡無第五諦但苦有無量相集滅道
有生亦可有滅法本不生今則不滅若有有一
法過涅槃者我亦說如幻化是名滅諦慧雖
知五陰衆生如虛空而誓度如空之衆生雖
知集無所有而斷諸妄想如與空共闘雖知
道不二相而勤於空中種樹雖無衆生得滅

度者而滅度無量衆生約此即事而真論道
品六度等云是名無生四諦慧無量四諦慧
者大經云佛說四諦若攝法盡則不應言所
不說者如十方土攝法不盡應有五諦佛言
四諦攝盡無第五諦但苦有無量相集滅道
等皆有無量相我於彼經竟不說之若是空
者空尚無空云何無量當知出假分別之慧
也此慧偏知十法界假實差別名苦諦慧偏
知五住煩惱不同名集諦慧偏解半滿正助
等行名道諦慧解半滿十六門諸滅門不同

是滅諦慧二乘但服四諦藥治見思病自出生死於分別則閑菩薩作大醫王須解診種種脉識種種病精種種藥得種種差約此起種種慈悲行種種行諸度道品成種種衆生淨種種佛土廣說如止觀云是名無量四諦慧無作四諦慧者解惑因緣而成四也大經云寶珠在體謂呼失去憂愁啼哭但見其體及瘡不見寶珠及鏡唯有憂悲無復歡喜此迷道滅而起苦集若解瘡體即是寶珠則喜不哭因滅無明即得熾然三菩提燈此解悟

因緣即是道滅道滅即苦集苦集即道滅若爾則四非四四既非四無量亦非無量無量既非無量則假非假假非假故則空非空何但即空非空亦即假非假雙亡正入即寂照雙流大品去一切種智即寂滅相種種行類相貌皆知名一切種智寂滅相即是雙遮雙亡行類相貌皆知即是雙流雙照無心亡照任運寂知故名不可思議即無作四諦慧大經云無苦無諦有實無集道滅無諦有實實即中道如來虛空佛性如此觀時無緣慈悲

拔二邊苦與中道樂修色非淨非不淨即空
即假即中非枯非榮中間論滅一切道品無
不具足偏捨十法界依正名檀中道道共到
音七
戶彼岸名戒住寂滅忍二邊不動名忍二邊
不間名牢強精進入王三昧住首楞嚴名禪
十二

離五怖畏謂不活畏惡名畏死畏惡道畏大
衆威德畏大經云不畏貪欲恚癡此內無三
毒外離八風則無惡名畏若言不畏地獄等
即無惡道畏若言不畏沙門婆羅門即無大
衆畏見中道則無二死是實相智慧常命立
無不活畏得入此地具二十五三昧破二十
五有顯二十五有我性我性即實性實性即
智一波羅蜜具十亦具一切佛法一行無量
行無量行一行是如來行是名無作四諦慧
應二身緣感即應百佛世界現十法界身入
修此慧時即得住於無所畏地即初歡喜地

地也此地具足四德破二十五有煩惱名淨
破二十五有業名我不受二十五有報名樂
無二十五有生死名常常樂我淨名爲佛性
顯即此意也地持說離五怖畏者修無我智
我想不生云何當有我愛衆具愛是離不活
卷七
畏不於他人有所求欲常饒益一切衆生是
離惡名畏於我見我想心不生是離死畏此
身命終於未來世必與佛菩薩共會是離惡
道畏觀於世間無與等者況復過上是離大
衆畏十地經亦同十地論解云是中第一依

身第二依口第三第四依身第五依意活者
依身所用衆具能資於生名資生生爲活也
此就因中說果菩薩無此畏復次名字言說
皆依口失護名不爲利養心不希望他人恭敬
故名無惡名第五依意可解三四依身愛
善道憎惡道無愛憎身故無惡道畏亦不愛
憎身故無死畏私謂不畏貪欲等無作集壞
不畏惡道此名無作苦壞不畏大衆此是無
作道立無不活無死畏此是見性得常無作
滅立復次破二十五有有能舍果有破故集

諦壞果破故苦諦壞得二十五三昧者道諦立見二十五有我性我性即佛性滅諦立破二十五有則無煩惱是淨德破二十五有果故無苦是常德得二十五三昧是樂見二十五我性是我四德宛然矣今釋二十五三昧

名依四悉檀意一隨時趣立如人多子各立一名使兄弟不濫二十五三昧亦復如是各舉一名令世諦不亂豈可定執也二隨其義便各從所以而立一名也三隨事對當各有主治從對得名也四理實無名而依理立字

雖有四意多用對治約理以立二十五三昧也通釋二十五各爲四意一出諸有過患二明本法功德三結行成三昧四慈悲破有一皆爾地獄有用無垢三昧破者地獄是重垢報處報因則是垢謂惡業垢見思垢塵沙垢無明垢其一菩薩先見此過爲破諸垢修前來所明根本戒破惡業垢修前來所明背捨等定伏見思垢修前來所明生滅無生滅慧破見思垢修前來所明無量慧破塵沙垢修前來所明無作慧破無明垢其二破見思垢故

真諦三昧成破惡業垢塵沙垢故俗諦三昧成破無明垢故中道王三昧成_三菩薩自破地獄諸垢時句句皆有慈悲誓願冥熏法界彼地獄有若有機緣關於慈悲以王三昧力法性不動而能應之如婆薮調達示所宜身說所宜法彼地獄中若有善機以持戒中慈悲應之令離苦得樂有入空機以生無生慧等慈悲應之令得真諦有入假之機以無作慧慈悲應之令得俗諦有入中機以無作慧慈悲應之令得王三昧先自無垢今令他無

垢故此三昧名無垢也
下去例如此不復委記也畜生有
用不退三昧破者畜生無慚愧退失善道則是惡業故退見思故退塵沙故退無明故退菩薩爲破諸退修前持戒破惡業退修於禪定伏見思退修生無生慧破見思退修無量慧破塵沙退修無作慧破無明退見思破故得位不退真諦三昧成惡業塵沙破故得行不退俗諦三昧成無明破故得念不退中道三昧成本修諸行皆有慈悲誓願冥熏法界彼畜生中若有機緣關於慈悲以王三昧力

不動法性而往應之宜示何身宜說何法爲龍爲象鷄鳥大鷲若有善機以戒定慈悲應之令出苦得樂有入空機以生無生慈悲應之令出有得無真諦三昧成有入假機以無量慧慈悲應之令免空得假俗諦三昧成有入中機以無作慈悲應之令出邊入中王三昧成菩薩自旣不退令他不退故名不退三昧也餓鬼有用心樂三昧破者此有常弊飢渴惡業苦見思煩惱苦客塵闈障苦無明根本告菩薩爲破諸苦修前持戒破惡業

苦修定伏見思苦修生無生慧破見思苦修無量慧破塵沙苦修無作慧破無明苦破見思苦無爲心樂三昧成破惡業塵沙苦多聞分別樂三昧成破無明苦常樂三昧成以本行慈悲冥熏法界彼餓鬼道若有機緣與慈悲相關王三昧力不動法性而往應之示所宜身說所宜法若有善機以持戒慈悲應之手出香乳施令飽滿有入空機以生無生慈悲應之令到無爲岸有入假機以無量慈悲應之令遊戲於五道有入中機以無作慈悲

應之令淨於三毒根成佛道無疑菩薩自既得樂又令他得樂是故名爲心樂三昧也阿脩羅有用歡喜三昧者脩羅多猜疑怖畏則有惡業疑怖見思疑怖塵沙疑怖無明疑怖菩薩爲破是諸疑怖而修諸行修持於戒破惡業疑怖修諸禪定伏見思怖修生無生慧密七破見思怖修無量慧破塵沙怖修無作慧破無明怖見思破故空法喜三昧成惡業塵沙破故一切衆生喜見三昧成無明破故喜王三昧成以本諸行慈悲普願冥熏法界彼脩

羅中若有機緣關於慈悲以王三昧力不動法性而往應之示所宜身說所宜法有善機者應以持戒身慈悲令離惡業怖有入空機應以生無生慈悲令離見思怖有入假機應以無量慈悲令離無知怖有入中機應以無作慈悲令離無明怖自證三喜令他無復三怖是故名歡喜三昧此前悉用對治立名也弗婆提有用日光三昧破者日朝出於東隨便爲名耳日譬智光能照除迷惑東天下人有惡業闇見思闇塵沙闇無明闇菩薩爲照

此諸闇故修前戒光破惡業闇修禪定流光
伏見思闇修一切智光破見思闇修道種智
光破塵沙闇修一切種智光破無明闇破見
思闇故一切智日光三昧成破塵沙闇故道
種智日光三昧成無明闇破故一切種智日
密七
光三昧成以本行慈悲誓願冥熏法界彼弗
婆提若有機緣關於慈悲王三昧力不動法
性而往應之示身說法若有事善機以持戒
慈悲應之令免惡業闇有入空機以生無生
慈悲應之令免見思闇有入假機以無量慈

應之令免無知闇有入中機以無作慈悲
稱日光三昧也瞿耶尼有用月光三昧破者
月夕初現於西亦隨便立名月亦照闇例同
日光云鬱單越用熱燄三昧破者北方是陰
地冰結難銷自非熱燄赫照終不融治北天
下人冰執無我難可化度若非智火慧燄無
我所心終不得度彼無我所乃是妄計猶有
自性人我法我真如我菩薩爲破諸我修生
滅無生滅慧破性人我修無量慧破法我修

無作慧破真如我得人空成真諦智破得法
空成俗諦智破得真如空成中道智破以本
慈悲冥熏法界彼鬱單越若有機緣關於慈
悲以王三昧力不動法性而往應之示身說
法有善機應以戒慈悲令免妄許無我有入

空機應以生無生慈悲令免性我有入假機
應以無量慈悲令免法我有入中機以無作
慈悲應之令免真如我自破妄我令他破妄
我故名熱燄三昧也閻浮提有用如幻三昧
破者南天下果報雜雜壽命等不定猶如幻

化此則從心幻出業幻出見思幻出無知幻
出無明菩薩爲破諸幻從於持戒幻出無作
破結業幻從於禪定幻出背捨從生無生患
幻出無漏從無量慧幻出有漏從無作慧幻
出非漏非無漏見思幻破真諦幻成無知幻
破俗諦幻成無明幻破中道幻成故經言如
空七
來是大幻師彼閻浮提有諸機緣關於誓願
以本慈悲隨感應之自破諸幻成他諸幻是
故名爲如幻三昧餘如上說四天王有用不
動三昧破者此天守護國土遊行世界則有

果報動見思塵沙無明等動菩薩修諸行破
諸動成三昧誓願熏機緣感以本慈悲令他
破四動成三不動是故名不動三昧委悉如
上說三十三天有用難伏見思塵沙無明等難伏
之頂即是果報難伏見思塵沙無明等難伏
菩薩修諸行出其上破諸難伏自成三昧誓
願熏他若有機緣以本慈悲令他得證是故
三昧名爲難伏餘如上說燄摩天有用悅意
三昧破者此天處空無刀杖戰鬪以之爲悅
比是果報中悅而未有不動業悅亦無無漏

這種智中智等悅菩薩爲破諸不悅而修諸
行自成三諦悅意三昧誓願法界有機緣者
以本慈悲令他意悅是故三昧名爲悅意餘
如上說兜率陀天有用青色三昧破者真諦
三藏云此天果報樂青宮殿服玩等一切皆
青善薩爲破諸青修第一義非青黃赤白而
見青黃赤白第一義非戒定慧而戒定慧以
卷五十九
戒破果報青以生無生慧破見思青非真見
真非假見假非中見中亦復如是三青障破
自成三諦三青三昧乃至感應成他三昧例

上可解黃色三昧破化樂天有赤色三昧破他化自在天有白色三昧破初禪有皆是果報白等例青色三昧大意可解白色三昧者初禪離五欲爲白未離覺觀故是黑見思塵沙無明等黑破此諸黑修諸行白自成三昧又成他三昧如上說種種三昧破梵王有著梵王主領大千界種類既多即是果報種種未見種種空種種假種種中破此種種修種種行自成種種亦成他種種如上說二禪用雙三昧者二禪獨有內淨喜兩支餘支與餘

禪共此即果報雙而未見雙空雙假雙中例如上說三禪用雷音三昧者此禪樂最深如冰魚蟻蟲是果報著樂又著空樂假樂中樂爲驚駭諸樂修諸雷音之行餘如上說四禪用注雨三昧者四禪如大地具種種種子若不得雨芽不得生一切善根在四禪中謂業種三諦種修諸行雨自生三昧慈悲應機生他三昧云無想天有用如虛空三昧者外道非空妄計涅槃謂果報非空三諦皆非虛無修諸空淨之行自成成他云阿那含天用照

鏡三昧此聖無漏天雖得淨色但是報淨色未究盡色空如鏡未極明未知色假如鏡未有影未知色中如未達鏡圓餘如上說空處用無礙三昧者此定得出色籠即果報無礙未是空假中等無礙餘如上說識處用常三昧者此定謂識相續不斷爲常此乃定報非三無爲常化用常常樂常例如上云不用處以樂三昧破者此處如癡癡故是苦乃至無明苦例如上云非想非非想用我三昧破者頂天謂是涅槃果報猶有細煩惱不自在乃

至無明不自在修行破之得真我隨俗我常樂我例如上云此二十五皆稱三昧者調直定也真諦以空無漏爲調直出假以稱機爲調直中道遮二邊爲調直故皆具三諦則通稱三昧又稱王者空假調直未得爲王所以

二乘入空菩薩出假不名法王中道調直故得稱王一一三昧皆有中道悉稱爲王大經云是二十五三昧名諸三昧王即其位高義若入是三昧一切三昧悉入其中即其體廣義應二十五有機即其用長也無畏地中具

得二十五三昧種種力用須彌入芥不傷樹
木毛孔納海不燒龜魚雖處地獄身心無苦
變通出沒不動而遠即其妙義^{第十七}乃慧聖行
成能有是方也問三昧破有乃是涅槃之文
^{廿一}破有法王出現於世隨衆生欲而爲說法四意明文宛然具足又涅槃明菩薩破有此經明法王破有^二續顯其義
也明聖行竟二梵行者梵者淨也無二邊愛見證得名之爲淨以此淨法與拔衆生即是無緣慈悲喜捨也菩薩以大涅槃心修於聖

行得無畏地具二十五三昧無方大用爾時慈悲是真梵行非餘梵天所修四無量心亦非三藏通教衆生緣法緣等慈悲也以今慈悲喜捨熏修衆行無不成辦大經云若有人問誰是一切諸善根本當言慈悲慈悲既是行本故言梵行若依圓語亦如大經慈悲即如來慈即佛性慈悲若不具佛十力四無所畏三十二相者是聲聞慈悲若具足者是如來慈悲是慈悲即是大法聚是慈悲即是大涅槃慈悲力弘深具一切福德莊嚴故名梵行三天行者第一義

天天然之理此語道前由理成行此語道中由行理顯此語道後今約由理成行故言天行菩薩雖入初地初地不應住以有所得故修上十地慧十重發真修慧由理成行名爲天行天行即智慧莊嚴上求佛道故有聖行天行下化衆生故有梵行病行嬰兒行也四嬰兒行者若福慧轉增實相彌顯雖不作意利益衆生任運能有冥顯兩益天行力有冥益梵行力有顯益衆生雖有小善之機無菩薩開發不得生長慈善根力如礎石吸鐵和

光利行能令衆生得見菩薩同其始學漸修五戒十善人天果報楊葉之行又示二百五十戒觀練薰修四諦十二因緣三十七品同二乘嬰兒行又示同習六度三阿僧祇百劫種相好柔伏煩惱六度菩薩小善之行又示同即色是空無生無滅通教小善之行又示同別教歷別次第相似中道小善之行皆是慈心之力俯同羣小提引成就從慈心與樂起嬰兒行大經云能說大字所謂婆和此即六度小行而求作佛故言大字又云不見晝

夜親疎等相即同通教菩薩即色是空意也
又云不能造作大小諸事大事即五逆小事
即二乘心此即同別教別教非生死故無五
逆非涅槃故無小乘心又云楊樹黃葉即同
人天五戒十善嬰兒又云非道爲道以能生
道微因緣故即同二乘嬰兒也慈善根力能
出假化物同小善方便引入佛慧作圓教嬰
兒也經云不能起住來去語言如經云又判
龐妙開龐顯妙何可解云五病行者此從無
緣大悲起若始生小善必有病行今同生善

邊名嬰兒行同煩惱邊名爲病行以衆生病
則大悲薰心是故我病或遊戲地獄或作畜
生形化身作餓鬼等悉是同惡業病如調達
等又示有父母妻子金鉢馬麥寒風索衣熱
病求乳此示人天有結業生老病死之病又
示道場三十四心斷結示同二乘見思之病
方便附近語令勤作三藏通教菩薩亦如是
又同別教寂滅道場初斷塵沙無明之病是
故菩薩悉同彼病偏於法界利益衆生次第
五行竟間聖行證三地梵行證兩地天行病

行嬰兒行何不證地答聖梵兩行名修因故論證地天行正是所證病兒兩行從果起應故不論證耳又有義經顯別義從地前各入證經顯圓義登地同一證又地前非不修圓登地非無有別互顯令易解故不煩文地前別者戒行從淺至深證不動地定行從淺至深證堪忍地慧行從淺至深證無畏地地上云並同者豈有三地條然未別祇登地時不爲二邊所動名不動地上持佛法下荷衆生名堪忍地於生死涅槃俱得自在名無畏地

無畏地從我德立名堪忍地從樂德立名不動地從常德立名淨德通三處登地之日四德俱成則無增減蓋化道宜然例如朝三暮四之意耳從登地去地地有自行地地有自證自行祇是修天行自證祇是證天行故不別說天行證也若地前化他名梵行慈悲喜是化他之事行一子地是其證捨心是化他之理行空平等是其證此二地亦不條然登地慈悲故言一子慈悲與體同故言空平等耳地地有悲同惡名病行地地有慈同善名

嬰兒行證道是同故不別說佛地功德仰信而已豈可闇心定分別耶略答如此

云

妙法蓮華經玄義卷第四上

廿四

音釋

轍直列切
態車轍也
媚嫵明祕切
脛起皺也
股部皮踵切
禮足之踵切
寬跟也
日枯官切
膾胡瓦切
甲內外切
肩古猶切
胛腋切
月宛切時
貞烏與充切
與與代情切

腕切臂也
領領也
渾汙也
關爭也
穢蘇也
捷疾也
藏鴟也
燒乃了切
穢將之切
礮鐵石也
奮引將

切思晉切
切消也
切立切
七羊切
與捨同